


漢書辨疑  
二





漢書辨疑

(二)

錢大昭撰

# 漢書辨疑卷七

景武昭宣元成功臣表

後有承平 有南雍本、閩本竝作世。

俞侯欒布 清河縣地理志作郇。史記云戶千八百。

建陵哀侯衛綰 東海縣。史記云戶一千三百一十。

建平敬侯程嘉 沛郡縣。史記云戶三千一百五十。

平曲侯公孫渾邪 東海縣。索隱曰：漢表在高城。今脫渾。史記及本傳竝作昆。史記云戶三千二百二十。

南甯侯賀 本傳及衛青傳作南甯。臣瓚曰：茂陵書賀封南甯。師古謂甯、奔二字同。

葛繹侯賀獲以丞相封 地理志東海下邳葛嶧山在西。古文以爲嶧陽。取山以名其國也。獲當作復。

江陽康侯蘇息 索隱以江陽爲在東海。元鳳六年封城陽慧王子仁爲江陽侯。下亦注東海。然東海無

江陽。韃爲有江陽。武帝建元六年始開。其時尚未有也。史記本紀作江陵。江陵南郡縣。表缺戶數。史記

云戶二千五百四十七。表又脫。始封一格。據史記當云四月壬申封三年薨八字。子孫曾俱誤高一格。

蘇息。史記作蘇嘉。

遼侯橫 索隱曰：漢表遼鄉名。屬常山。今脫。王子侯有遼鄉侯宣。

新市侯王棄之 鉅鹿縣。史記云戶一千十四。

煬侯始昌嗣 史不得年。史記作後元元年。

商陵侯趙周 索隱曰漢表在臨淮。今脫。然地理志臨淮無商陵。史記申屠嘉傳作高陵。高陵、琅邪縣。是時高陵侯王行國已見除。故又封周。史記云戶一千四十五。

山陽侯張當居 河內縣。史記云戶千一百一十。

安陵侯于軍 潁川陽陵。李奇曰六國時曰安陵。汝南邵陵亦有安陵鄉。

桓侯賜 史記作垣河東縣。

迺侯陸彊 涿郡縣。

孝武後元年 徐廣曰漢書云孝武後二年則元當作二。

容城攜侯徐盧 涿郡縣。依史記水經注當作侯攜徐盧。其孫光爲太常公卿。表作唯塗。光攜徐與唯塗

聲相近。

翁侯僕黜 南雍本閩本及史記水經注竝作易侯。涿郡縣。翁乃邯鄲所封。未必同時有兩翁侯。元光四

年又以翁封趙信。因邯鄲已于是年免也。鄭氏曰黜音怛。則當从黑旦聲。

范陽靖侯范代 涿郡縣。史記作端侯代。失其姓。表姓范者。或因范陽而譌耳。

六千二百戶 代與僕黜邯鄲同封。戶數當不甚遠。當從史記作千一百九十七戶。

翁侯邯鄲下注內黃 內黃魏郡縣。

以匈奴王降漢 漢當作侯。

亞谷簡侯盧它之 索隱曰漢表在河內今脫亞傳及史記作惡說文亞醜也象人局背之形易繫辭言

天下之至嘖而不可惡也荀爽曰惡次也尙書大傳云王升舟入水鼓鍾惡觀臺惡將舟惡宗廟惡鄭

康成注云惡讀爲亞是亞惡古字通它之傳作它人史記作它父。

建元五年康侯漏嗣 史記五作元漏作偏。

塞侯直不疑 史脫諡及戶數傳云諡信史記云戶千四十六。

侯堅 堅傳作彭祖。

特轅侯樂 特轅史記作持裝。

親陽侯月氏下注舞陽 說文灑水出南陽舞陽中陽山入潁親古灑字親陽卽親陽矣。

元朔二年 閩本無元朔二字是。

若陽侯猛下注平氏 平氏南陽縣。

平陵侯蘇建下注武當 武當南陽縣。

岸頭侯張次公下注皮氏 皮氏河東縣。

昌武侯趙安稽下注舞陽 索隱曰漢表在武陽舞陽南陽縣武陽犍爲縣史記安稽諡堅侯。

從驃騎將軍擊左王。左王，左賢王也。史記作左賢王，下云右王，放此。

襄城侯桀龍。索隱曰：襄城，漢表作襄武。案韓嬰亦封襄城。地理志襄城在潁川，襄武在隴西，是漢表本是襄武。

安樂侯李蔡，下注昌。公卿表李廣衛青傳及史記俱作樂安，則此作安樂，以誤也。昌，琅邪縣。水經注以爲千乘之樂安，則與昌字乖謬。

合騎侯公孫敖，下注高城。高城，勃海縣。

軹侯李朔，下注西安。史記作涉軹。漢書衛青傳作陟軹。索隱曰：地理志西安在齊郡，涉軹猶從驃，然皆當時意也。故上又有涉安侯。據此，則軹上當有涉字。

從平侯公孫戎奴，下注樂昌。樂昌，東郡縣。

坐爲上黨太守，發兵擊匈奴。陳景雲曰：上黨乃內地，非邊郡，不與匈奴接壤。當從史記作上郡。

隨城侯趙不虞，下注千乘。城，衛青傳及史記作成。

攻辰吾先，登石臈。臈，史記作累。

博望侯張騫。南陽縣。

知道水。史記作知水道。

衆利侯郝賢，下注姑莫。姑莫，卽姑幕。琅邪縣。衆利，霍去病傳作終利。案衆與終古字通。易雜卦大有衆。

也荀爽本衆作終士相見禮衆皆若是注云今文衆爲終史記五帝本紀怙衆賊刑徐廣曰衆一作終坐爲上容太守入戈守財物計謾容當作谷國本作谷戈守當從史記作戍卒

潯悼侯王援營下注舞陽史記作趙王煖營舞陽潁川縣

從票侯趙破奴票史記作驃

宜冠侯高不識下注昌昌琅邪縣

輝渠忠侯僕朋下注魯陽僕朋霍去病傳及史記作僕多魯陽南陽縣

下摩侯諱毒尼下注猗氏史記摩作麾諱作呼猗氏河東縣

詔居弋居山坐將家屬闖入惡師居陳景雲曰惡師烏孫國中地名見常惠傳謂達詔而攜家擅居惡

師地烏孫雖附漢然未嘗郡縣其地安得有設官置室事顏注未嘗

濕陰定侯昆邪平原縣春秋時曰犂左傳哀十年趙鞅伐齊取犂杜預曰犂一名隰濟南有隰陰縣隰

借用字濕正字也

輝渠慎侯應疖下注魯陽應疖史記作扁營霍去病傳作雁庇魯陽南陽縣

河萁康侯烏黎下注濟南黎史記作犂古通霍去病傳作禽

常樂侯稠雕下注濟南稠雕霍去病傳作調雕彼傳注云功臣表作稠雕與今本不同

邳離侯路博德下注朱虛邳離史記作符離疑誤

義陽侯衛山下注平氏。元和郡縣志申州義陽縣。本漢平氏縣義陽鄉。魏文帝分平氏縣立坐教人誑告衆利侯當時棄市罪。當時伊卽軒之子也。

杜侯復陸支下注重平。杜史記作壯。按宣帝紀霍光傳竝作杜侯。作壯者譌也。索隱曰漢表在東平。重平亦東平之譌。

以匈奴歸義因執王。霍光傳作故歸義侯因寗王。

衆利侯伊卽軒。此卽郝賢封國。賢免故改封元鼎時。功臣有兩伊卽軒。一是衆利侯。一是下摩侯。皆匈奴人。

亡後爲諸縣。案上文衆利侯郝賢下注姑莫卽姑幕。琅邪縣。蓋元狩元年分姑幕之衆利鄉爲侯國。始元五年國除而置諸縣也。諸亦屬琅邪。

湘成侯敞屠洛下注陽成。陽成卽陽城潁川縣。

散侯董舍吾下注陽成。陽成潁川縣。

臧馬康侯雕延年下注朱虛。史記無雕字。朱虛琅邪縣。

瞭侯次公下注舞陽。此卽王援警封國之潦也。潦下亦注舞陽。則潦瞭字異地同。舞陽潁川縣。

術陽侯建德下注下邳。地理志琅邪東莞術水南至下邳入泗青州寤。蓋在術水之陽。分東海之下邳爲國也。術說文作沭。



龍侯摎廣德。龍。史記作龍亢。兩粵傳作龔侯。晉灼曰。龔古龍字。蓋後人不識古字。析爲二文。實非沛郡之龍亢也。郡國志泰山博有龍鄉城。春秋成二年。齊圍龍。杜預曰。在博縣西南。

成安侯韓延年下注。郟。成安與郟竝潁川縣。蓋分郟縣置。

昆侯渠復。桑下注。鉅鹿。桑。史記作累。

以屬國大首渠。首。史記作且。

騏侯駒。幾上注。北屈。騏與北屈竝河東縣。

侯督嗣。公卿表建始元年。騏侯駒普爲太常。數月薨。普卽督也。表不載薨年。史闕文。

梁期侯任破胡。魏郡縣。

滕侯畢。取下注。南陽。索隱曰。漢表在下邳。案此卽次公封地。索隱誤也。南陽亦舞陽之譌。

將梁侯楊僕。中山靖王子朝平免。故別封。

安道侯揭。陽定下注。南陽。史記作揭。陽令定。兩粵傳作史定。

隨桃頃侯趙光。索隱曰。漢表在南陽。今脫。

湘成侯監居翁。索隱曰。漢表在堵陽。汲古閣本脫。閩本有之。案湘成卽斂屠洛所封也。彼注陽成。此注

堵陽。或堵陽舊有陽城之名。故王莽改堵陽曰陽城。

海常嚴侯蘇弘。索隱曰。漢表在琅邪。今脫。案王子侯海常在琅邪。

外石侯吳陽下注濟陽 外石、南越傳作卵石。史記作北石。索隱曰：漢表在濟南。今閩本與索隱同。汲古閣本誤。

下鄜侯左將黃同下注南陽 地理志南陽有鄜縣。字當作鄜。譌爲鄜耳。小顏音爲孚。誤矣。左將、官名。繚嫫侯劉福 城陽共王子故海常侯。

衛兒嚴侯轅終古 衛兒、兩粵傳作語兒。韋昭曰：在吳越界。今爲鄉也。

開陵侯建成 臨淮縣。兩粵傳封故越建成侯。敖爲開陵侯。是其人名敖。

臨蔡侯孫都下注河內 郡國志河內山陽邑有蔡城。劉昭曰：蔡叔邑。

東城侯居股 九江縣。兩粵傳作東成。

無錫侯多軍 會稽縣。

涉都侯喜下注南陽 郡國志南陽筑陽有涉都鄉。喜。史記作嘉。

平州侯王映下注梁父 此卽昭涉掉尾封國。

荻直侯韓陶下注勃海 直當作苴。南雍本。閩本竝作苴。

澧清侯參下注齊 水經注澧水出時水東。去臨淄十八里。所謂澧中也。

騶茲侯稽谷姑下注琅邪 地理志琅邪有茲鄉縣。

輒譎侯杆者 河東縣。輒。地理志說文解字竝作狐。

幾侯張階下注河東。幾或以爲卽騏然。是時騏侯駒氏尙無恙。不得別封。

涅陽康侯最下注齊。本書朝鮮傳作沮陽。史記傳作溫陽。沮陽上谷縣。涅陽南陽縣。注齊字。閩本無。

海西侯李廣利。東海縣。

斬都城王首。都當作郁。

七年太始三年。七當作十。閩本亦作十。

開陵侯成婉。臨淮縣。匈奴傳作闔陵同。

不得封年。此四字當下一格。

柁侯商丘成。濟陰縣。說文作庇。

重合侯莽通。勃海縣。莽本姓馬。

坐發兵與衛尉潰等謀反。武帝紀。後元元年。侍中僕射莽何羅與弟重合侯通謀反。無衛尉潰。公卿表

有守衛尉遺潰。卽遺字之譌。

德侯景建下注濟南。王子侯表。德屬泰山。與此異。

以長安大夫。劉屈氂傳作長安。男子大夫。第五爵。

題侯張富昌下注鉅鹿。漢紀作踢蹠侯。

共得衛李。太子二字譌爲李。

邗侯李壽下注河內。說文邗周武王子所封在河內野王是也。括地志故邗城在河內郡西北二十七里。

擅出長安界送海西侯至高橋。征和三年，貳師復將七萬騎擊匈奴，故壽送之。

轅陽侯江喜下注清河。地理志清河有繚縣，喜當作德，轅或作潑。

當塗康侯魏不害。九江縣，天漢四年爲左馮翊。

侯聖與議定策益封。宣帝紀建議定策益封者有當塗侯平，霍光傳與表同，疑本紀誤。

蒲侯蘇昌下注琅邪。地理志琅邪姑幕，或曰薄姑，案薄姑亦作蒲姑。

丞父侯孫王下注東萊。前丞父亦注東萊，卽續相如封國。

稔敬侯金日磾。濟陰縣。

侯賞。本傳諡曰節，表脫。

建平敬侯杜延年。沛郡縣，表注濟陽，屬陳留。

宜城戴侯燕倉。濟南縣，莽敗乃絕。志用元始版籍，故于宜城下注侯國，表注濟陽，疑誤。

弋陽節侯任宮。汝南縣。

剛侯千秋。字長伯，初元四年爲太常。

商利侯王山壽下注徐。徐臨淮縣。

成安嚴侯郭忠 潁川縣

平陵侯范明友下注武當 此卽蘇建封國。水經注作平陽。

長羅壯侯常惠 陳畱縣。本傳諡壯武。

爰戚靖侯趙長年 山陽縣。年當作平。閩本及索隱所見本皆作平。補史記作趙成。

博成侯張章下注淮陰 淮陰、臨淮縣。

高昌壯侯董忠 千乘縣。

平通侯楊惲下注博陽 博陽、汝南縣。

都成敬侯金安上 族子玷曰。霍光傳及補史記竝作都成。索隱云。志屬潁川。攷潁川無此縣。地理志山

陽郡有城都侯國。應卽此也。水經注作郟都。云春秋隱公元年。郟侵衛。京相璠曰。東郡廩丘縣南三十

里有郟都故城。褚先生曰。漢封金安上爲侯國。是水經注亦以安上封者作城都矣。古城成郟三字同。

合陽愛侯梁喜 平原縣。

安遠繆侯鄭吉下注慎 慎、汝南縣。

以吉曾孫紹封 此格當下一層。

歸德靖侯先賢擇 汝南縣。地理志云。宣帝置。

信成侯王定下注細陽 細陽、汝南縣。匈奴傳王定作烏厲屈。信成作新城。

義陽侯厲溫敦 此亦平氏之義陽也。厲溫敦。匈奴傳作烏厲溫敦。

以匈奴諱遼累單于率衆降侯 侯狀與宣紀同。單于二字疑衍。小顏注匈奴傳云呼遼累者其官號也。

既云官號則非單于可知。

義成侯甘延壽 沛郡縣本傳諡曰壯。

駟望忠侯冷廣 琅邪縣。

楊嘉元年 楊當作鴻。

延鄉節侯李譚 千乘縣。

以尉氏男子捕得反者樊竝侯 案本紀稱樊竝爲尉氏男子。則此四字疑當在樊竝之上。

新山侯稱忠 琅邪縣。

童鄉釐侯鍾祖 地理志勃海有章鄉侯國疑卽此。

樓虛侯營順 樓虛當作楊虛平原縣地理志亦誤作樓虛。

西域傳元始中卑爰寔殺烏日領以自效漢封爲歸義侯表不載者哀平中卽有侯者皆不收也附識

于此。

# 漢書辨疑卷八

外戚恩澤侯表

周呂令武侯澤 史記云呂后兄。

更封爲酈侯 馮翊縣。史記作酈。南陽縣。

睡侯通 東萊縣。史記作鍾。

東平侯卮 史記卮作壯。

汶侯座 史記作郊。汶之譌也。沛郡縣。小顏望文音切。非是。

建成康侯釋之 沛郡縣。史記云呂后兄。畱侯世家作呂澤。

沛侯種 沛郡縣。此脫沛字。

奉呂宣王國 國字誤。史記作園寢。

更爲不其侯 琅邪縣。

漢陽侯祿 地理志漢中褒中都尉治漢陽鄉。疑卽此。史記作湖陵。山陽縣。

扶柳侯呂平 信都縣。

襄城侯義 潁川縣。

軹侯朝 河內縣。

壺關侯武 上黨縣。

昌平侯大 上谷縣。

贅其侯呂勝 臨淮縣。

祝茲侯呂瑩 索隱曰漢表在琅邪今脫。

建陵侯張釋寺人 東海縣。史記云宦者多奇計。此言寺人。猶史記言宦者不必作大字。

以大謁者勸王諸呂 大謁者。匈奴傳高后令大謁者報書是也。

軹侯薄昭 河內縣。昭太后弟。外戚傳云。追尊薄太后父爲靈文侯。表不載。蓋追尊之侯。例不闕入。如高

祖紀追尊兄伯爲武哀侯。哀帝紀追尊傅父爲崇祖侯。丁父爲襄德侯。外戚傳追尊竇后父爲安成侯。

追尊王仲爲共侯。皆是。

鄔侯駟鈞 太原縣。本紀作靖郭侯。

周陽侯趙兼 司馬貞以爲屬上郡。攷酷吏傳云。周陽由其父趙兼以淮南王舅侯周陽故。因氏焉。其非

上郡之陽。周明矣。但未審其地耳。

章武景侯竇廣國 勃海縣。

南皮侯竇彭祖 勃海縣。



魏其侯寶嬰 琅邪縣

蓋靖侯王信 太山縣。索隱曰。漢表在勃海。今脫。信字長君。見鄒陽傳。

元光三年頃侯充嗣下一格云。侯受嗣元鼎五年坐酎金免。史記受作偃。無頃侯充。但云。元狩三年。侯

偃元年。元鼎五年。坐酎金免。

武安侯田蚡 魏郡縣。

以皇太后同母弟侯。言同母者。不同父也。

周陽懿侯田勝 司馬貞以爲在上郡。非也。上郡是陽周。非周陽。括地志周陽故城在絳州聞喜縣東二

十九里。

侯祖 史記及潛夫論俱作彭祖。

坐當歸軹侯宅不與 史記歸作與。軹作章。攷是時無軹侯。史記作章侯。疑是章武侯寶長生。蓋田盛則

寶衰。故當與而不與耳。

長平烈侯衛青 汝南縣。

宜春侯伉 汝南縣。

陰安侯不疑 魏郡縣。

發干侯登 東郡縣。

平津獻侯公孫弘下注高城。本傳詔以高成之平津鄉戶六百五十封爲平津侯。高成、勃海縣。表云三百七十三戶。與傳不符。

冠軍景桓侯霍去病。南陽縣。以穰之盧陽鄉。宛之臨駝聚置。去病初封二千五百戶。益封二千二百。表闕書。

樂平侯山下注東郡。地理志東郡清。應劭曰。章帝更名樂平。蓋霍山國除之後。改爲清。章帝復舊名耳。冠陽侯雲下注南陽。疑亦冠軍近地。

周子南君姬嘉下注長社。長社。潁川縣。帝王世紀云。封姬嘉三千戶。地方三十里。見周本紀正義初封是君。故嘉子置。置子當。當弟延年。皆稱君。改封爲侯。乃稱侯耳。

更封爲周承休侯。潁川縣。水經注。黃水逕周承休縣故城東。縣。故子南國。

元始四年爲鄭公。後漢書黃瓊傳。封爲郟鄉侯。注云。漢潁川有周承休侯國。元始四年更名曰郟。蓋因其地有郟鄉矣。據此。則鄭當作郟。平紀及志皆誤。

建武二年五月戊辰。更爲周承休侯。復舊名也。戊辰。光武紀作庚辰。

侯武嗣十三年。更爲衛公。下注觀。據表。則武是常子。光武紀卽以更衛公者爲姬。常與表異。觀東郡縣。今本地理志作畔觀。陳景雲曰。畔字衍。恩澤侯表。溝洫志。翟方進傳。可證。

樂通侯欒大下注高平。高平。臨淮縣。

牧丘恬侯石慶下注平原 蓋分平原縣置

富民定侯車千秋下注斬 斬沛郡縣

博陸宣成侯霍光下注北海河閒東郡 文穎曰博廣陸平取其嘉名無此縣也補史記云初封三千戶

後益封萬戶又益封二萬戶蓋戶邑甚多有屬北海河閒東郡者耳非謂盡食三郡之地也

安陽侯上官桀下注蕩陰 蕩陰河內縣

桑樂侯安下注千乘 疑是千乘之樂安縣

以皇后父車騎將軍封 案外戚傳公卿表亦作車騎唯昭紀霍光傳作驃騎

宜春敬侯王訢 汝南縣

富平敬侯張安世 平原縣

陽都侯彭祖 城陽縣

繆侯敞 敞本傳及陳湯傳竝作勃

建武中爲武始侯 傳云更封純富平之別鄉爲武始侯武始魏郡縣純有別邑在魏卽武始也故以是

封之說詳本傳

陽平節侯蔡義 東郡縣義霍光傳作誼

平丘侯王遷下注肥城 肥城泰山縣

昌水侯田廣明下注於陵 於陵濟南縣。

以左馮翊與大將軍光定策 左馮翊宣帝紀作御史大夫以公卿表攷之廣明以元平元年九月由左

馮翊爲御史大夫表言舊職紀舉新遷兩得之也。

陽城侯田延年下注濟陽 濟陽陳畱縣傳作陽成。

爰氏肅侯便樂成下注單父 單父山陽縣。

扶陽節侯韋賢下注蕭 扶陽與蕭竝沛郡縣當是分蕭縣置。

平恩戴侯許廣漢 魏郡縣。

高平憲侯魏相下注柘 柘陳國縣水經注以山陽之高平爲相封國非是山陽高平故臺也。或譌爲臺非也說詳

功臣表王莽始改名宣帝時未有此縣。

平昌節侯王無故 平原縣無故字長君見水經注。

詔書復獲 當作詔復家上文亦不載其失爵之事。

樂昌共侯王武下注汝南 徐廣曰汝南細陽之池鄉漢之樂昌案徐說本之後漢書張酺傳當不誤也。

細陽汝南縣武字稚君見水經注。

陽城繆侯劉德 汝南縣。

以戶五百贖弟更生罪 劉向傳安民入國戶半贖更生罪此云五百則德之初封有千戶矣。

樂陵安侯史高 臨淮縣水經注以爲平原之樂陵非也平原樂陵非侯國高字子長

武陽頃侯丹下注郟 武陽與郟竝東海史丹傳云國東海郟之武彊聚是分郟縣置也

邛成共侯王奉先下注濟陰 說文邛地在濟陰

安平夷侯舜 豫章縣涿郡亦有安平不言侯國則非也

將陵哀侯史魯 郡縣志德州將陵縣本漢安德縣地屬平原郡隋開皇十六年置以安德縣界故城爲

名魯本紀及史丹傳外戚傳竝作曾

平臺康侯史玄 常山縣

鴻嘉二年侯習嗣 公卿表鴻嘉元年平臺侯史中爲太常其名與此不同

博望頃侯許舜 南陽縣

樂成敬侯許延壽 南陽縣

博陽定侯丙吉下注南頓 博陽南頓竝汝南縣當是分南頓置

顯嗣 顯上諸本俱脫侯字

建成定侯黃霸下注沛 沛郡縣水經注以爲勃海非也

侯賞以定陶太后不宜立號益封 陳景雲曰賞當作輔定陶太后立號事在建平元年乃輔嗣侯後十

五年也

居攝二年侯輔嗣 輔本傳作忠。

西平安侯于定國 臨淮縣。

陽平頃侯王禁 東郡縣。

安成共侯崇 汝南縣。外戚恩澤侯。表有兩王崇。一是安成侯。建始元年。以皇太后母弟封。一是扶平侯。

元始元年。以大司空封。

平阿安侯譚 沛郡縣。

侯述嗣 述當作述。元后傳名術。古字通。

成都景成侯商 山陽縣。外戚恩澤侯。表有兩王商。一是成都侯。河平二年。以皇太后弟封。一是樂昌侯。

王武之子。甘露二年嗣侯。

紅陽荒侯立 南陽縣。

曲陽煬侯根 九江縣。

以皇太后弟關內侯 侯下脫侯字。

高平戴侯逢時 臨淮縣。

新都侯莽 南陽縣。莽傳云。國南陽新野之都鄉。郡國志。新野有東鄉。故新都。

褒新侯安莽篡位爲信遷公 莽改汝南。新蔡曰新遷。新信古字通。然則褒新亦卽新蔡歟。

賞都侯臨 莽改汝南宜祿爲賞都亭卽其地矣

樂安侯匡衡 臨淮縣

安昌節侯張禹 汝南縣

高陽侯薛宣下注東莞 高陽東莞竝琅邪縣當時分東莞置

千九十戶 傳作千戶案朱博傳博爲丞相封侯食邑二千戶博讓曰故事封丞相不滿千戶願還千戶

據此則傳是而表誤

安陽敬侯王音 汝南縣

成陽節侯趙臨下注新息 成陽新息竝汝南縣當是分新息置

新成侯欽下注穰 穰南陽縣閩本有穰字汲古閣本脫蓋分穰縣置

高陵共侯翟方進 琅邪縣

十一月壬子封八千戶 案戶數已見上格此八千戶三字衍

定陵侯淳于長 汝南縣

殷紹嘉侯孔何齊下注沛 沛郡縣中不著孔何齊封國郡國志汝南宋公國周名鄴丘漢改爲新鄴章

帝建初四年徙宋公于此既言徙宋公則初封不在新鄴矣綏和元年二月封殷紹嘉侯三月與周承

休侯竝進爵爲公志所據者元始版籍但載周承休而闕殷紹嘉所未解也

以殷後孔子世吉適子侯。案本紀封殷紹嘉者，是孔吉，而此云吉適子何齊，又不同矣。

汜鄉侯何武下注南陽。傳云汜鄉在琅邪不其，哀帝卽位更以南陽犢之博望鄉爲汜鄉侯。國地易而名不易者，猶舂陵本零陵冷道鄉名，而爲南陽之舂陵侯國也。地理志南陽無汜鄉縣，史闕文，志有博

望侯國，是許舜封地，其時國尙未除，非犢之博望鄉。

博山簡烈侯孔光下注順陽。地理志博山，哀帝置，故順陽。

陽安侯丁明 汝南縣。

孔鄉侯傅晏下注夏丘。夏丘，沛郡縣。

平周侯丁滿下注湖陽。湖陽，南陽縣。

高樂節侯師丹下注新野。新野，南陽縣。

更爲義陽侯下注東海。傳云詔以厚丘之中鄉，戶三千一百，封丹爲義陽侯。厚丘，東海縣。志無義陽侯

國史闕文。

高武貞侯傅喜下注杜衍。杜衍，南陽縣。

楊鄉侯朱博下注湖陵。湖陵，廬江縣。傳作陽鄉。

建元二年 元當作平。

新甫侯王嘉下注新野。新野，南陽縣。



汝昌侯傅商下注陽穀 郡國志東平國須昌故屬東郡有陽穀城。  
陽新侯鄭業下注新野 本紀及杜鄴傳外戚傳竝作陽信王嘉傳作陽新新信古字通勃海有陽信恐

非也。

高安侯董賢下注朱扶 高安取嘉名朱扶無攷。

方陽侯孫寵下注龍亢 疑龍亢鄉名。

以騎都尉 本紀作南陽太守。

宜陵侯息夫躬下注杜衍 漢紀作宜陽。

以博士弟子 本紀作光祿大夫。

長平頃侯彭宣下注濟南 長平汝南縣此作濟南疑誤。

扶德侯馬宮下注贛榆 贛榆琅邪縣。

承陽侯甄邯下注汝南 翟義傳作丞陽。

襄魯節侯公子寬下注南陽平 山陽有南平陽疑卽此。

襄成侯孔均下注瑕丘 瑕丘山陽縣均本名莽避王莽諱更名。

以孔子世襲成烈君霸曾孫奉孔子祀侯 元帝以霸授經賜爵關內侯食邑八百戶號襄成君至是進

爵爲侯後漢時爲亭侯。

防鄉侯平晏 或是魯防邑。

南鄉侯陳崇 郡國志南陽有南鄉縣。

章鄉侯謝殷 勃海縣。

盧鄉侯陳鳳 東萊縣。

成武侯孫建 山陽縣。

有折衝之威 下脫侯字。閩本不脫。

討狄侯杜勳以前爲軍假丞 假、陳湯傳作候。

# 漢書辨疑卷九

百官公卿表上

龍作納言出入帝命。尙書作出納朕命。納當爲內。古內字作入。禹貢九江內錫大龜。史記內作入。左傳襄九年。以出內火。漢書引作入火。

相國丞相皆秦官。戰國時韓有相國。見周本紀秦武王二年置丞相。以樗里疾、甘茂爲左右丞相。始皇又尊

呂不韋爲相國。秦以左爲上。漢以右爲尊也。後漢書馬嚴傳云。舊丞相御史親治職事。唯丙吉以年老。優游不案吏罪。於是宰府習爲常。更共罔養。以崇虛名。

文帝二年復置一丞相。周勃爲右丞相。陳平爲左丞相。後勃謝病請免相。而平專爲丞相。案劉屈氂傳。武帝征和二年。分丞相長史爲兩府。以劉屈氂爲左丞相。懸右丞相以待賢人。此獨不載其事。

元壽二年更名大司徒。漢官儀王莽時議以漢無司徒官。故定三公之號曰大司馬、大司徒、大司空。元狩五年初置司直。後漢書馬嚴傳云。故事州郡所舉。上奏司直。察能否以懲虛實。漢官儀武帝置丞相司直。元壽二年改丞相爲大司徒。司直如故。

御史大夫秦官。御史大夫亦稱宰相。孔光傳云。上欲致霸相位。自御史大夫貢禹卒。及薛廣德免。輒欲拜霸。又公孫田劉傳贊云。若夫丞相御史兩府之士。不能正議。以輔宰相。朱雲傳云。御史之官。宰相之

副九卿之右。後漢建武中李通爲大司空。其傳云。自爲宰相。謝病不視事是也。蕭望之傳云。故事朝奏事。會庭中。御史大夫差居丞相。後漢舊儀。御史大夫寺在司馬門內。門無塾。門署用梓板不起。郭邑題曰御史大夫寺。

侍御史有繡衣直指出討姦猾。武帝紀天漢二年。遣直指使者暴勝之等。衣繡衣杖斧。分部逐捕。

太傅高后元年初置。卽王陵。

後省八年復置。卽審食其。

後省元壽二年復置。唯孔光王莽二人。

位在三公上。三公謂丞相太尉及御史大夫也。太尉後改大司馬。薛廣德爲御史大夫。史稱三公。

太師太保。太師止孔光一人。太保止王舜一人。

奉常更名太常。應劭漢官儀曰。欲令國家盛大。社稷常存。故曰太常。

博士掌通古今。朝錯匡衡皆嘗爲太常掌故。疑卽博士之類矣。應劭曰。掌故六百石。吏主故事。孔光傳

云。是時博士選三科高第爲尙書。次爲刺史。其不通政事。以久次補諸侯。太傅。

郎中令掌宮殿掖門戶。括蒼鮑氏曰。郎與廊同。戰國策梧下先生見魏王趨出。至郎門而反。所謂郎門。

卽郎之門也。又戰國策段產謂秦新城君曰。今臣處郎中。無能議君子王。而不能使人無議臣于君。然

則秦昭王時已有郎中之名。其職已親近矣。方回續古今攷引大昭案鮑說是也。周禮大司馬注。引司馬法曰。

鼓聲不過閭聲，聲不過闕，鐸聲不過琅，琅卽郎也。段借字。董仲舒傳：游於巖郎之上。晉灼曰：堂邊廡巖郎，謂巖峻之郎也。說文解字：廊，在新附字中，古皆用郎。

大中大夫秩比千石。漢紀秩比二千石。

諫大夫秩比八百石。漢紀秩比六百石。

郎中有車戶騎三將。楊惲傳：召戶將尊。儒林傳：尹更始爲長樂戶將。

謁者掌賓讚受事。闕駟十三州志云：謁者秦官員七十人，皆選孝廉。年未五十，曉解賓贊者。歲盡拜縣令、長史及都官府長史。

衛尉景帝初更名中大夫令。中大夫令，正直不疑一人。

屬官有衛士令丞。藝文志有衛士令李忠。

太僕屬官有大廐、未央、家馬令丞尉。案未央，是未央廐也。上官桀爲未央廐令，卽此。

又邊郡六牧師苑令各三丞。續志云：牧師苑皆令官，主養馬，分在河西六郡界中，中興省。

更名家馬爲桐馬。說文：桐，攬引也。漢有桐馬官作馬酒。

廷尉地節三年初置左右平。不言員數。本紀及刑法志云：四人。

典客屬官有郡邸長丞。郡國朝宿之舍，在京師者名邸。文帝紀云：至邸而議之。

宗正諸公主家令、門尉皆屬焉。太子及公主皆有家令。

大司農有兩丞。宣帝紀。五鳳四年。有中丞耿壽昌。成帝紀。永始二年。有中丞王闕。律志有中丞麻光。卽兩丞之一也。蓋如御史大夫有兩丞。一曰中丞矣。

屬官有都內令丞。都內主臧官也。桓譚新論云。漢之百姓。賦斂一歲爲四十餘萬萬。吏俸用其半。餘二十萬萬。藏于都內。爲禁財。少府所領園地作務之八十三萬萬。以供常賜。張湯傳。詔都內別臧張氏無名錢以百萬數。尹翁歸傳。爲都內令。

均輸。地理志。千乘郡有均輸官。

搜粟都尉。武帝軍官不常置。案趙過。食貨志。上官桀。李廣利傳。楊敞。燕刺王傳。俱嘗爲此官。

少府屬官有尙書符節等十二官令丞。十二疑是十六。以左右司空分兩官。亦是十七。

湯官導官。師古曰。導官主擇米。大昭案。導當作彙。說文。彙。禾也。玉篇。彙。一莖六穗瑞禾也。史記司馬相如傳云。彙一莖六穗於庖。徐廣曰。彙。瑞禾也。

若盧令丞。王商傳。請詔謁者。召商詣若盧詔獄。孟康曰。若盧獄名。屬少府黃門北寺是也。又案王吉傳云。吉補若盧右丞。有右必有左。蓋二丞。

甘泉居室。當亦有詔獄。故衛青至甘泉居室。有一鉗徒相青。

胞人。古庖字通作胞。禮記祭統篇。胞者肉吏之賤者也。莊子庚桑楚篇。湯以胞人籠伊尹。釋文。胞。本又作庖。

又中書謁者等七官令丞 七疑當作八

諸僕射署長中黃門皆屬焉 儒林傳孟喜爲曲臺署長師古曰曲臺殿名署者主供其事也

飲飛掌弋射 章懷注西都賦引前書音義曰飲飛本秦左弋官也武帝改爲飲飛有一令九丞在上林

中紡繒繳弋鳧雁歲萬頭以供宗廟

中尉有司馬 亦名中司馬見季布傳

屬官有都船令丞 薛宣傳爲都船獄史漢儀注所以云有都船獄令也

太子太傅 漢舊儀云皇太子黃金印龜紐印文曰章下至二百石皆爲通官印太傅一人眞二千石禮

如師亡新更爲太子師

屬官有太子門大夫 漢舊儀云門大夫比郎將

庶子應劭曰員五人秩六百石 馮野王傳云爲太子中庶子王商傳同疑脫中字又攷漢舊儀云中庶

子五人職如侍中秩六百石庶子秩比四百石如中郎無員亡新改爲中翼子據此則中庶子與庶子

有別矣應仲遠所注乃中庶子也表于庶子上脫中字庶子下脫庶子二字

先馬 汲黯傳作洗馬漢舊儀云洗馬職如謁者十六人選郎中補也

舍人 漢舊儀舍人如郎中秩比二百石無員多至三四百人亡新名爲翼子

詹事掌皇后太子家 漢舊儀皇太子稱家動作稱從

屬官有太子率更家令丞。漢舊儀率更令秩千石，主庶子舍人更直，亡新改爲中更丞一人，秩四百石。家令千石，主倉獄。

僕中盾衛率長丞。漢舊儀僕秩千石，主馬中盾，秩四百石。主周衛，徼循衛率，秩比千石。丞一人，主門衛。又中長秋食官令長丞。漢舊儀食官令秩六百石，丞一人。

將行秦官，景帝中六年更名大長秋。案成帝減省掖庭用度，許后上疏以爲大長秋繩以詔書，搖手不得，官吏伎佞一切操之，是內宮之財用亦大長秋所掌，有似周之內宰矣。

內史周官，景帝二年分置左內史、右內史。案公卿表，景帝元年，中大夫朝錯爲左內史，二年左內史朝錯爲御史大夫，則分置左右。又在景帝之前，地理志以爲武帝建元六年分置者，固非。而此表以爲景帝二年分置者，亦未的也。

主爵中尉，景帝中六年更名都尉。案公卿表，景帝中五年已有主爵中尉，不疑。又有都水長丞。案左馮翊有左都水，此當有右字。

元鼎四年更置二輔都尉。二當作三，地理志左馮翊高陵，左輔都尉治，右扶風郿，右輔都尉治，不言京輔都尉治，缺文也。田叔傳，少子仁拜爲京輔都尉。

司隸校尉。翟方進傳，故事司隸校尉位在司直下，初除謁兩府，其有所會，居中二千石前，與司直竝迎丞相御史。



元帝初元四年去節。去節自諸葛豐始。

城門校尉有十二城門候。蔡義傳：遷覆盎城門候，是其一也。

中壘校尉掌北軍壘門內外，掌西域師。古曰：掌北軍壘門之內，而又外掌西域。案小顏說非也。八校尉皆以掌字起句，此亦當從外字絕句。漢紀作掌北軍壘門內外。

凡八校尉。胡騎不常置，故亦稱七校。刑法志所謂武帝內增七校是也。

侍中左右曹諸吏散騎中常侍皆加官。三史拾遺曰：自侍中而下，漢世所稱中朝官也。亦謂之內朝臣。攷高帝時，盧縮爲將軍常侍中，孝惠時郎侍中皆冠駿鸚，貝帶、傅脂粉，是漢初已有侍中。武帝初，嚴助、朱買臣皆侍中，貴幸用事，始與聞朝政。厥後衛青、霍去病、霍光、金日磾皆由侍中進，而權勢出宰相右矣。武帝時，霍光、韓增皆爲郎，遷諸曹侍中。宣帝時，蘇武、杜延年、劉安民爲右曹，張延壽爲左曹，此左右曹之始。宣帝時，楊惲爲諸吏光祿勳，此諸吏之始。宣帝時，張霸爲散騎中郎將，張勃、劉更生爲散騎諫大夫，此散騎之始。司馬相如以警爲郎，事景帝，爲武騎常侍，則景帝時已有常侍。武帝常與侍中常侍武騎及侍郎隴西北地，良家子能騎射者徵行，而東方朔亦爲常侍郎，然其時未見中常侍之名。至哀帝時始有中常侍。王閔、宋弘等皆士人也。後漢中常侍竝以宦者爲之，非西京舊制矣。

爵。自公士至公乘，民之爵也。生以爲祿位，死以爲號諡。凡言賜民爵者，卽此。自五大夫至徹侯，則官之爵也。成帝紀：永始二年，詔曰：吏民以義收食貧民，其百萬以上，加賜爵右更，欲爲吏，補三百石，是爵至

十四級與三百石吏相埒矣。準是以推。九級之五大夫等比百石。十級之左庶長等百石。十一級之右庶長等比二百石。十二級之左更等二百石。十三級之中更等比三百石矣。故謂之官爵。武帝時又有武功爵。見食貨志。

諸侯王景帝中五年省御史大夫。本紀在中三年。

更令相治民如郡太守。孔光傳云。霸宣帝時遷高密相。是時諸侯王相在郡守上。

郡守秩二千石。案黃霸傳。霸爲潁川太守。秩比二千石。及守京兆尹。秩二千石。然則此秩字下當有比字歟。

邊郡又有長史。辛慶忌爲金城長史是也。

郡尉秩比二千石。有丞。秩皆六百石。皆字衍。

更名都尉。都尉有丞。故薛宣爲樂浪都尉丞。郡亦有時但置都尉。不置太守。吾丘壽王爲東郡都尉。不復置太守。故鹽書云。連十餘城之守。任四千石之重。

關都尉。漢有函谷關都尉。

農都尉。馮參傳。爲上河農都尉。敘傳。班況亦任此職。又地理志。張掖番和有農都尉。

萬戶以上爲令。減萬戶爲長。漢舊儀云。縣戶口滿萬。置六百石令。多者千石。戶不滿萬。置四百石。三百石長。縣令長黃綬。皆大冠。亡新令長爲宰。皆小冠。

皆有丞尉。漢舊儀大縣兩尉，小縣一尉。丞一人，隸釋引應劭說：大縣有丞左右尉，所謂命卿三人，小縣一丞一尉者。命卿二人。漢刻武開明紹吳郡府丞，而武榮碑稱爲吳郡府卿。綿竹江堰碑稱縣丞，犍爲王卿隸續平鄉道碑云：丞汁邠王卿尉。綿竹楊卿丞尉皆稱卿，與應說合。今漢石刻有祝其卿墳壇，上谷府卿墳壇，皆縣府丞也。

大率十里一亭亭有長。漢官儀曰：十里一亭，亭長亭候，五里一郵，郵間相去二里半。司姦盜，應劭曰：亭有兩卒，一爲亭父，一爲求盜。

鄉有三老。高祖紀：漢二年舉民年五十以上有脩行，能率衆爲善，置以爲三老。鄉一人，擇鄉三老一人爲縣三老，與縣令丞尉以事相教，復勿繇戍。

有秩。方回續古今攷云：周顯王十二年，秦初置有秩史。商鞅旣廢井田，比閭鄰里之制亦壞，故置有秩史以董之。

三老掌教化。方回曰：假如縣方百里，則爲方十里者十，十亭一鄉，當有十鄉。鄉三老十人，各掌一鄉之教化。縣三老當掌縣城中之教化，且兼掌十鄉之事乎。

嗇夫職聽訟收賦稅。續漢志有秩嗇夫，其職掌同。漢官云：鄉戶五千，則置有秩。是不滿五千者，不置有秩。但以嗇夫一人總理之，表不言有秩所掌，因與嗇夫同也。

游徼徼循禁賊盜。趙廣漢傳云：廣漢奏請令長安游徼獄吏秩百石，其後百石吏皆羞自重，不敢枉法。

妄繫留人。

印 漢制天子諸侯王皆爲璽。三公列侯以下俱爲印。天子玉璽。諸侯王金璽。惟太師、太傅、太保、丞相、太尉、將軍、列侯皆用金印。而御史大夫不與焉。成帝更名大司空。始用金印。其它則或銀、或銅矣。

案百官公卿表。自奉常、秦官至王莽。改太常曰秩宗爲一段。今本博士、秦官另起。自郎中令、秦官至取其領事之號爲一段。今本大夫、掌論議。僕射、秦官各提行另起。自主爵中尉至駙馬都尉。秩比二千石爲一段。今本護軍都尉、城門校尉、奉車都尉各提行另起。自侍中、左右曹至皆秦制爲一段。今本反列在奉車都尉之下。皆非是。

表所未載之官。或不常置。或置而旋罷。或微末之職。有可攷者。附識於此。

丞相屬官 有少史。昭帝紀。丞相少史王壽。如淳曰。武帝置秩四百石。五行志。封丞相少史。王禁爲陽平侯。功臣表。丞相少史王山壽。有主簿。見孫寶傳。有徵事。功臣表。任宮。故丞相徵事。有大車屬。見鄭崇傳。如淳曰。如今公府御屬。

大司馬屬官 有主簿。見樓護傳。

將軍屬官 有護軍都尉。見趙充國傳。

太常屬官 有太史掌故。房鳳傳。以射策乙科爲此官。表但有太史令丞。有掌故。見鼂錯、匡衡傳。

有高寢郎。車丞相爲此官。案昭紀。孝文廟殿火。廟令丞郎吏皆劾大不敬。是令丞之外有郎也。有

寢中郎見馮參傳師古曰陵之寢郎也。有園郎金安上傳故事近臣隨陵爲園郎

郎中令屬官 有禮官大夫儒林傳孝文時徐生以頌爲此官其孫延等皆爲之

廷尉屬官 有文學卒史見兒寬傳蘇林曰秩六百石臣瓚曰秩百石 有書佐見薛宣傳 有奏曹

掾見路溫舒傳 有奏讞掾見兒寬傳

大行令屬官 有治禮丞見平當傳 有主客見金日磾傳服虔曰屬鴻臚

大司農屬官 有甘泉倉長

少府屬官 有內謁者令見宣帝紀 有海丞一人果丞一人竝見平帝紀 有太官獻良丞見陳湯

傳 有文學見匡衡傳 有樂府音監樂府游傲竝見張放傳

詹事屬官 有少內嗇夫見丙吉傳

郡守屬官 有五官掾見王尊傳 有議曹見朱博傳 有司馬見馮奉世西南夷傳 有庫令見河

閒王傳 有均輸長見黃霸傳

縣令長屬官 有市吏見尹翁歸傳 有獄吏決曹史竝見王溫舒傳 有獄掾決曹掾賊曹掾門下

掾竝見薛宣傳

軍司空令 見馮奉世傳

軍司空 見杜延年傳蘇林曰主獄官也如淳曰律營軍司空軍中司空各二人

軍武庫令 見杜欽傳。

軍政 藝文志有軍政楊僕政。卽正也。西域傳有軍正任文。

軍正丞 見胡建傳。師古曰。南北軍各有正。正又置丞。傳又云。臣謹案軍法。曰正亡。屬將軍。將軍有罪以聞。

軍候丞 見陳湯傳。恩澤侯表作軍假丞。

軍監 見匈奴傳。

軍市令 見丙吉傳。

軍司馬 楊敞傳。給事大將軍莫府爲此官。

假司馬 見趙充國傳。

鷹擊司馬 見霍去病傳。

護軍射師 藝文志有王賀。

監軍御史 見胡建傳。又曰。監御史與護軍諸校。列坐堂皇之上。

彊弩將軍 衛霍傳有李沮。公卿表及田延年傳有許延壽。恩澤侯表有孫建。藝文志有王圍。竝爲此官。

材官將軍 見衛霍傳後。

復土將軍 疑卽復土校尉之類公卿表元壽二年復土將軍左咸爲大鴻臚

發弩官 地理志南郡有此官師古曰主教放弩也

迹射設者 馮奉世傳今發三輔河東恆農越騎迹射飲飛設者是迹射設者爲二官名

戊己校尉屬官 有史有右曲候竝見匈奴傳

票姚校尉 見霍去病傳

轉校尉 見王尊傳師古曰主轉運事

執驅馬校尉 李廣利傳拜習馬者二人爲執驅馬校尉備破宛擇取其善馬云師古曰習猶便也一人爲執馬校尉一人爲驅馬校尉

復土校尉 有國喪則置事已卽罷蕭由馮遂俱爲此官

長樂戶將 見儒林傳

稻田使者 功臣表有燕倉

主麻使者 見律志

方士使者 見郊祀志

治獄使者 見外戚傳

護苑使者 見谷永傳

漢書辨疑 卷九

黃門書者 藝文志有王廣呂嘉。

黃門書者假史 藝文志有王商。

本草待詔 見郊祀志。師古曰。謂以方藥本艸而待詔者。

車騎都尉 宣帝紀。甘露三年。有車騎都尉昌。

彊弩都尉 武帝紀。太初三年。有路博德。

宜禾都尉 敦煌廣至。有宜禾都尉治。

主騎都尉 安定參繚。有主騎都尉治。

協律都尉 禮樂志。有李延年。

河隄都尉 溝洫志。有許商。

護漕都尉 見朱博傳。

駿馬監 太僕屬官。有駿馬令丞。見百官表。然駿馬亦有監。見傅介子傳。

平樂監 見傅介子傳。功臣表作平樂廢監。

安池監 見外戚傳。

移中廢監 見蘇武傳。

車郎 藝文志有張豐。



輦郎 見劉向傳。

黃門倡 藝文志有車忠。

待詔 元帝紀有賈捐之。哀帝紀有夏賀良。律志有李信。藝文志有臣饒、臣安成、馮商。

暴室嗇夫 見外戚傳。

鉤盾冗從 藝文志有李步昌。

鐵官 地理志。鄭、夏陽、雍、漆、恆、農、黽池、宜陽、安邑、皮氏、平陽、絳、大陵、隆慮、河南、陽城、西平、宛、山陽郡、沛、武安、都鄉、涿郡、千乘、東平、陵、歷城、羸、臨淄、東牟、琅邪郡、下邳、胸、鹽瀆、堂邑、桂陽郡、沔陽、臨邛、武陽、南安、隴西郡、漁陽、夕陽、平郭、北平、郁秩、莒、東平、魯、彭城、廣陵皆有。食貨志云。郡不出鐵者。置小鐵官。鄧展曰。鑄故鐵也。

鹽官 地理志。安邑、太原、晉陽、巫、堂陽、章武、千乘、都昌、壽光、曲成、東牟、嶷、昌陽、當利、海曲、計斤、長廣、海鹽、臨邛、南安、連然、胸忍、隴西郡、三水、弋居、獨樂、龜茲、富昌、沃壆、成宜、樓煩、泉州、海陽、平郭、番禺、高要皆有。

鹽澤長丞 地理志。雁門、沃陽有此官。

工官 地理志。懷、河南、陽翟、宛、東平、陵、泰山郡、奉高、廣漢郡、雒、成都皆有。

齊三服官 貢禹傳。故時齊三服官。輸物不過十笥。方今作工各數千人。一歲費數鉅萬。後漢書章帝

紀建初二年詔齊相省冰紈、方空縠、吹綸絮。

服官 地理志襄邑、臨菑皆有。

羞官 交趾郡羸樓有。

銅官 丹陽郡有。

圃羞官 南海郡有。

樓船官 廬江郡有。

陂官 九江郡有。

湖官 九江郡有。

雲夢官 江夏郡西陵、南郡編皆有。

橘官 胸忍、魚復皆有。

金官 桂陽郡有。

木官 嚴道有。

漢功臣初起官名攷

功臣初起官名，乃一時權置，或襲七國舊名，非一代典章所繫，故表中不及詳載，今略紀於此，其名義職掌及居官者之姓氏，有可攷者，亦附見焉。

中涓 師古曰中涓親近之臣。若謁者舍人之類。涓潔也。主居中掃潔也。大昭案國語有涓人。疇史記楚世家作涓人。韋昭曰。今之中涓是。

曹參 靳歙 王吸 召歐 周勃

灌嬰 孫赤 陳倉 毛釋之 石奮

舍人

傅寬 陳遯 薛歐 呂臣 單究

工師喜 奚涓 陳凜 魏邀 徐厲

樊噲 劉到 董潔 唐厲 陳賀

審食其 嚴不職 戴野 華寄 周止

周潔 朱軫

令史

夏侯嬰

客 後代東宮官有太子賓客。亦其類。

蕭何 呂澤 丙猜 張蒼 林贖

高色 任敖 陸賈 周苛 洽耳

劉襄

酈疥

執盾

閻澤赤

繪賀

孔鼂

襄逸其姓

張說

特將

陳豨

重將 師古曰主將領輜重。

宣虎

計相 如淳曰官名。但知會計。

張蒼

亞將

唐厲

陳平

駢鄰 師古曰二馬曰駢。駢鄰為竝。兩騎為軍翼。

許益

司馬

呂馬童

張說

左司馬

陳賀

曹無傷

唐厲

得逸其姓

孔叢

右司馬

陳肯

陶舍

騎司馬

王虞人

車司馬

王競

將軍

酈商

董潔

孔叢

郭蒙

陳武

嚴不職

蟲達

奚涓

河南將軍

宣虎

游擊將軍

此初起之名。其後武帝時。蘇建、韓說皆居此職。所謂列將軍也。

陳豨

郎騎將軍

單究

車騎將軍 此初起名耳。其後為列將軍。公卿表尚不載。武昭以後。車騎將軍有加大司馬者。其權任

在丞相右矣。

蔡寅

張越

灌嬰

斬欽

執帛

曹參

夏侯嬰

灌嬰

執珪

蟲達

功臣表作執金吾。其時無此官。今從史記。

曹參

夏侯嬰

灌嬰

趙衛將軍

加趙者。或是趙國之故官。他皆放此。

程黑

魏太僕

蔡寅

長沙柱國

吳郢

代大與 師古曰大與主爵祿之官。

馮解散

殷相

閻澤赤

趙右林將 師古曰林將將士林猶言羽林之將。

許癩

齊將

旅卿

旅罷師

趙將

雍齒

趙將夕

越將

丁復

華毋害

革朱

越戶將

傅胡害

越隊將

搖毋餘

上隊將

高色

弩將

室中同

秦同

郎將

杜得臣

慎將 師古曰。以謹慎爲將也。

爰類

二隊將

蟲達

陳涓

劉到但云二隊將疑

三隊將

戎賜

刺客將



陳凖

廢將

張良

城將 師古曰。城將。將築城之兵也。

郭蒙

樓煩將 項籍傳。漢有善騎射。曰樓煩。

丁復

郎騎

毛釋之

中郎騎

王翥

郎中騎

其石

楊喜

騎郎將

王吸

周止

郎騎將

丁義

呂馬童

右騎將

傅寬

騎將

傅寬

召歐

丁義

陳倉

丁禮

嚴不職

灌嬰

騎士

呂騰

中涓騎

丁禮

郎中騎將

楊武

騎都尉

靳歙

張說

楊武

季必

長鉞都尉 師古曰長鉞長刀兵也爲刀而劍形史記作長鉞鉞亦刀耳

周竈

門尉

彤跖

十尉

陶舍

中廕令

祕彭祖

虎賁令

周勃

郎中柱下令 師古曰柱下令主柱下書史

王恬啓

戶衛

郭蒙

戶將

蟲達

塞路 師古曰。主遮塞要路。以備敵寇。

郭亭

說衛 師古曰。說讀曰稅。謂軍行初舍止之時。主為衛也。

許盎

執矛

朱進

隊卒 疑是隊率

周聚

隊率 師古曰。一隊之率也。音所類反。

戴野

連敖 如淳曰。楚有連尹莫敖。其後合為一官。

韓信

華寄

職志 如淳曰。主旗幟。

衛毋擇

周聚

申屠嘉

朱軫作隊師同

召歐

周寵

呂嬰

戎賜

繪賀

郭亭

周昌

右丞相

尹恢在高祖未稱元年前

河上守 卽左馮翊。是時爲河上郡。故有守。

閻澤赤

中地守 卽右扶風。是時爲中地郡。故有守。

宣義

票客 小顏謂以信票疾。而客禮之。是臆說。

韓信



# 漢書辨疑卷十

百官公卿表下

高帝元年內史周苛爲御史大夫。案秦之內史於漢爲三輔。高帝元年京兆馮翊屬塞國。扶風屬雍國。二年更名爲渭南河。上中地三郡。九年復爲內史。是內史之官。高帝元年未嘗有也。周昌傳但云從兄苛以卒史從沛公。不言其爲內史。然則內史二字疑有誤。下云內史周苛遷亦誤。若云是治粟內史。不應列於三輔格矣。

執盾襄爲治粟內史。此卽功臣表棘丘侯襄也。史闕其姓耳。攷襄以下郡守擊定西魏地。西魏之降在漢二年三月。是襄居職未久。卽遷爲上郡守矣。

五年廣平侯薛歐爲典客。歐之封侯表在六年。史蓋從後追稱之。

軍正陽咸延爲少府。功臣表軍正作軍匠。陽咸延作陽城延。云以軍匠從起邾入漢。後爲少府。作長樂未央宮。築長安城。先就侯。大昭案延乃梓人製造軍中器械。積功拜官。時量才授職。使爲將作少府。築城作宮。皆其職守。序所云將作少府。掌治宮室。景帝中六年更名將作大匠者是也。武帝時工楊光以作茂陵可意。致將作大匠。亦是此類。然則軍匠之爲少府。必是將作少府。脫將作二字耳。但其官與列于九卿之少府有別。例不載入公卿中。疑班氏因舊本之脫漏。而誤載之。

殷內史杜恬 是時無內史官。說詳于上。杜恬疑是殷王卬之內史侯。表云杜恬以內史擊諸侯。蓋當有殷字。此條疑是後人因侯表有殷內史而闌人耳。

九年丞相何遷爲相國 何遷相國。本紀在十一年。何傳云。上已聞誅信使。使拜丞相爲相國。誅信事在十一年。百官表亦云。十一年更名。此在九年誤。

十年中地守宣義爲廷尉 地理志。右扶風故秦內史。高帝二年更爲中地郡。九年復爲內史。

十一年絳侯周勃爲太尉後官省 當盧縮反時。勃以相國代噲將。蓋不復爲太尉。故用相國虛名。衛尉王氏 見蕭何傳。

孝惠二年齊相曹參爲相國 傳作齊丞相。以下文淮南丞相張蒼例之。亦當有丞字。

高后元上年黨守任敖爲御史大夫 史記將相表。在孝惠六年誤。

八年 本紀有郎中令賈壽。表失載。

孝文二年衛尉足 本紀元年有衛尉足。表在二年。非是。

三年十二月丞相勃免 本紀作十一月。史記作十一月壬子。

後六年 周亞夫傳。是年宗正劉禮爲將軍。表于孝景元年始載平陸侯劉禮爲宗正。疑誤。

七年 有中尉周亞夫。見文帝紀及亞夫傳。

孝景五年安丘侯張歐爲奉常 歐當作欣。功臣表安丘侯張說曾孫康侯新。孝景四年立。卽其人也。史



記表作訢訢與欣同。

中三年煮棗侯乘昌爲奉常。功臣表。煮棗侯革朱之孫名昌。卽其人也。唯姓不同。疑字之譌。後元年丞相舍死。死字誤。據竇嬰傳及功臣表當作免。

三年柏至侯許昌爲太常。許盎之孫。

孝武建元元年淮南太守灌夫爲太僕。案淮南厲王子安。是時爲淮南王。當有內史。不得有太守。唯淮陽國高帝所置。後改封于趙。則爲郡矣。必淮陽之譌也。灌夫傳正作淮陽。

二年南陵侯趙周爲太常。南陵當作商陵。

四年武強侯嚴青翟爲御史大夫。趙綰以二年有臯自殺。青翟爲御史大夫。卽在是年。表作四年。非也。江都相鄭當時爲右內史。五年貶爲詹事。案灌夫傳。元光四年有內史鄭當時。又當時傳云。爲右內史。

以武安魏其。時議貶秩爲詹事。是當時左遷。在元光四年。表當爲六年。此作五年。誤。六年六月癸巳丞相昌免。漢紀作癸未。

太僕賀。公孫賀也。

元光元年。本紀有中尉程不識。表失載。

隴西太守李廣爲衛尉。廣傳由雲中太守遷。

四年宣平侯張歐爲太常。此非張偃之子。別是一人。說詳功臣表。

五年廷尉翟公 翟公下邳人。見鄭當時傳。

六年中尉韓安國爲都尉 都尉當作衛尉。

元朔四年宗正劉棄 汲黯傳作劉棄疾。

五年河東太守九江番係爲御史大夫 此人疑非是元光五年之右內史。故別著其郡。否則九江二字

當書在前。

中尉殷客 汲黯傳。濮陽段宏。官再至九卿。殷客二字。形相似。淮南王安傳。是時有中尉宏。卽此人矣。

六年繩侯周平爲太常 平。周成之子。

據衛霍傳。是年有主爵都尉趙食其。表在元狩三年。疑誤。

元狩元年宗正劉受 元狩四年有沈猷侯。劉受爲宗正。疑又是一人。故此不書侯。

三年廷尉張湯爲御史大夫 湯代李蔡也。應在二年。

冠軍侯霍去病爲票騎將軍 去病當載。則元光六年大中大夫衛青爲車騎將軍。元朔五年車騎將軍

衛青爲大將軍。何以不載。

衛尉張騫 本紀元狩二年已有衛尉。張騫表在三年。非是。

四年中尉丞陽僕爲主爵都尉 此卽酷吏楊僕爲樓船將軍者也。陽。楊字通。

五年四月乙卯太子少傅嚴青翟爲丞相 荀悅漢紀。乙卯作乙丑。少傅作太傅。

郎中令李敢。敢，李廣之少子也。代父廣爲之。

六年，俞欒、賁爲太常。賁，欒布子。

按史記三王世家：是年有太常充，索隱以爲趙充。

右內史王翬。張湯傳作王朝。

元鼎四年，睢陵侯張廣國爲太常。案功臣表只作廣。

五年，平曲侯周建德爲太常。建德，周勃之孫。

陽平侯杜相爲太常。功臣表名相夫。

元封五年，坐畱外國使人入粟贖論。南雍本、閩本使人下有自字。

太初二年正月戊寅。本紀作戊申。

三年，膠東太守延廣爲御史大夫。漢紀作王延廣。

搜粟都尉上官桀爲少府。年老免。攷李廣利傳：桀爲少府，在趙弟封侯之年。弟于四年受封，此亦當在

四年。師古疑其非上官桀，誤矣。

天漢元年，濟南太守王卿爲御史大夫。荀紀作王延年。

二年，新時侯趙牟爲太常。牟字誤。李廣利傳：功臣表竝作弟。

太始三年，暴勝之爲御史大夫。三年下獄自殺。案本紀勝之自殺，在征和二年。表當作四年。

容城侯唯塗光爲太常。卽攜徐盧之孫也。唯塗與攜徐聲相轉。

四年江都侯靳石爲太常。侯表作江鄒侯。

征和二年。外戚傳有宗正劉長樂。執金吾劉敢。表皆失載。

三年高廟郎中田千秋爲大鴻臚。本傳作高寢郎。

後元元年守衛尉不害。疑卽當塗侯魏不害。

二年守衛尉遺。功臣表重合侯莽通。後二年坐發兵與衛尉潰等謀反。要斬德侯景建。後二年坐共莽通謀反。要斬二人之功罪俱同。此表作遺。彼又作潰。形相似而譌耳。竊疑建字亦與遺相似。所謂衛尉遺者。卽德侯建耳。當依此作遺。

執金吾郭廣意免。武五子傳兩見。一作廣義。一作廣意。

孝昭始元元年司隸校尉李仲爲廷尉。本紀霍光傳及荀悅漢紀。竝作李种。

水衡都尉呂辟胡。本紀作呂破胡。

四年大鴻臚田廣明爲衛尉。案本紀元鳳元年。尙有大鴻臚廣明。疑表誤。

六年坐廟夜郎飲失火免。夜古掖字。

元鳳四年御史大夫王訢爲相。脫丞字。

五年坐侍中加元下獄。風吏殺元。加閩本作邪。

六年少府蔡義爲御史大夫。義、霍光傳作誼。  
便樂成侯少府。便、霍光傳作使。杜周傳作史。

元平元年水衡都尉趙充國爲後將軍水衡都尉。案後將軍水衡都尉下脫如故二字。又第十四格當有水衡都尉并將軍七字。

孝宣本始二年詹事東海宋疇爲大鴻臚。疇本紀及黃霸傳作畸。

四年山陽太守梁爲大鴻臚。案儒林傳小戴授梁人橋仁季卿仁爲大鴻臚。此云梁者疑卽其人。傳寫脫落耳。

六安相朱山拊爲右扶風。山拊、買臣子也。

地節元年于定國爲廷尉十七年遷。傳作十八年。

水衡都尉朱輔爲右扶風博。案博字疑亦右扶風之人名。

二年大司農光薨。光、霍光也。農當作馬。

五鳳二年。當有八月壬午太子太傅黃霸爲御史大夫一年遷共十八字。閩本不脫。

甘露元年三月丁巳大司馬延壽薨。本紀作二月。

蒲侯蘇昌復爲太常。昌三爲太常。

黃龍元年。閩本有左馮翊常四字。

孝元初元二年光祿勳賞 此稭侯金賞也。見本傳。

永光元年大司農堯 此夏侯堯也。見夏侯勝傳。

侍中中大夫歐陽餘爲少府 餘、儒林傳作地餘。字長賓。

建昭二年諸吏散騎光祿匡衡爲御史大夫 光祿下脫勳字。

竟寧元年河南太守召信臣爲少府 案建昭元年尚書令五鹿充宗爲少府。五年貶爲元菟太守。建昭

元年至竟寧元年。正合五年之數。是表以召信臣爲代五鹿充宗矣。然儒林傳云。梁丘臨代五鹿充宗

君孟爲少府。則表中明脫梁丘臨一人。

孝成建始二年宗正劉慶忌爲太常 此劉德之子。陽城侯也。

河東太守杜陵甄少公爲京兆尹 閩本甄下有尊字。此脫。

河平四年大夫韋安世爲大鴻臚 大夫上疑脫光祿二字。

鴻嘉四年 本紀。是年廣漢太守趙護爲執金吾。表載在元延元年。誤。

永始三年河內太守寵眞爲左馮翊 寵、南雍本閩本竝作龐。

左馮翊朱博爲大司農 本紀。是年汝南太守嚴訢爲大司農。表在四年。誤。

四年侍中水衡都尉淳于長爲衛尉 案永始二年。詔書已稱侍中衛尉長。則非四年遷矣。

元延二年廣陵太守孫寶爲京兆尹 廣陵是王國。不得有太守。傳作廣漢。是。

三年尙書僕射趙亡爲光祿勳。亡、南雍本、閩本竝作元。

綏和元年侍中光祿大夫司農趙元爲衛尉。案趙元卽元延三年之光祿勳也。表脫勳字。又衍大夫司農四字。

二年光祿大夫閻宗爲執金吾。貢禹傳作閻崇。





# 漢書辨疑卷十一

古今人表

未知焉得仁師古曰言智者雖利物猶不及仁者所濟遠也 案陸德明論語音義云未知鄭音智是康

成讀法與孟堅同矣漢人解經必守師法於此可見

女媧氏上中 閩本是上上次於太昊說文媧古之神聖女化萬物者也

大庭氏上中 庭或作庭左傳昭公十八年有大庭氏之庫杜預曰大庭氏古國名在城內魯於其處作庫

中央氏上中 閩本無

朱襄氏上中 見呂氏春秋高誘曰朱襄氏古天子炎帝之別號

葛天氏上中 見呂氏春秋高誘曰葛天氏古帝名

陰康氏上中 呂氏春秋云昔陰康之始陰多滯伏而滿積水道壅塞不行其次民氣鬱闕而滯著筋骨

瑟縮不達故作爲舞以宣導之

亡懷氏上中 見莊子鄭德曰古之王者在伏羲前

悉諸上中 高誘曰悉姓諸名也

歸臧氏上中 臧古藏字。

蚩尤下下 大戴禮用兵篇云。蚩尤。庶人之貪者也。

倉頡上下 書序疏云。倉頡。司馬遷。班固。韋誕。宋忠。傅休奕。皆云。黃帝之史官也。崔瑗。曹植。蔡邕。索靖。皆

直云古之王者。徐整云。在神農黃帝之間。譙周云。在炎帝之世。衛氏云。當在庖犧黃帝之世。慎到云。在包羲之前。張揖云。倉頡爲帝王生於禪通之紀。

桑祖上中 一作嫫祖。大戴禮云。黃帝居軒轅之丘。娶于西陵氏之子。謂之嫫祖氏。產青陽及昌意。

媯母上中 說文。媯。媯母都醜也。荀子賦篇云。媯母力父。是之喜也。楊倞曰。媯母。醜女。黃帝時也。

大填上中 新序云。子夏對哀公曰。黃帝學于大填。

力牧上中 史記集解云。班固曰。黃帝相。

風后上中 潛夫論云。黃帝師風后。

鬼臾區上中 見素問。

冷淪氏上中 高誘曰。黃帝臣。

五鳥上中 左傳云。鳳鳥氏。麻正也。元鳥氏。司分者也。伯趙氏。司至者也。青鳥氏。司啟者也。丹鳥氏。司閉

者也。

五鳩上中 左傳云。祝鳩氏。司徒也。雉鳩氏。司馬也。爽鳩氏。司寇也。鶡鳩氏。司事也。

昌僕上中 大戴禮云昌意娶于蜀山氏蜀山氏之子謂之昌濮氏產顓頊

顓頊帝高陽氏上上 大戴禮云孔子曰顓頊黃帝之孫昌意之子也曰高陽

女祿上中 大戴禮云顓頊娶于滕氏滕氏奔之子謂之女祿氏產老童

嬌極上中 大戴禮云老童娶于竭水氏竭水氏之子謂之高綱氏產重黎及吳回是嬌極即高綱矣

允格上中 閩本作允貉

柏夷亮父上中 呂氏春秋云顓頊師柏夷父

緣圖上中 新序云顓頊學於緣圖

帝嚳高辛氏上上 史記作帝倍大戴禮云孔子曰元囂之孫蟠極之子也曰高辛

姜原上中 說文姬台國之女周棄母字也大戴禮曰姜嫄有邠氏之女也產后稷

簡暹上中 說文娥帝高辛之妃偃母號也大戴禮曰有娥氏之女也曰簡狄狄與易古字同狄暹亦通

祝融上中 潛夫論云帝嚳師祝融

陸終上中 大戴禮云吳回產陸終

女潰上中 大戴禮云陸終娶于鬼方氏鬼方氏之妹謂之女潰氏產六子孕而不粥三年啓其左脅六

人出焉其一曰樊是爲昆吾其二曰惠連是爲參胡其三曰籛是爲彭祖其四曰萊言是爲云郇人其

五曰安是爲曹姓其六曰季連是爲畢姓

赤松子上中 新序云帝嚳學于赤松子其說與班氏合張良傳注云赤松子仙人號也神農時爲雨師服水玉教神農能入火自燒至昆山上常止西王母石室隨風雨上下炎帝小女追之亦得仙俱去疑別是一人非帝嚳師。

柏招上中 呂氏春秋云帝嚳師伯招。

陶唐氏上上 以前後證之疑脫帝堯二字大戴禮云孔子曰高辛氏之子也曰放勳女皇上中 大戴禮堯娶于散宜氏之子謂之女皇氏。

朱下中 說文絳純赤也虞書丹朱如此。

女志下中 世本緜娶有辛氏女謂之女志是生高密宋衷曰高密禹所封國。

鮌下下 大戴禮云緜娶于有莘氏有莘氏之子謂之女志氏產文命。

尹壽上中 荀子大略篇堯學于尹疇新序作尹壽疇壽古字通。

許繇上中 呂氏春秋曰帝舜師許由章懷注崔駰傳云許由字武仲。

子州支父上中 呂氏春秋曰帝堯師子州父高誘曰州一作支。

帝舜有虞氏上上 大戴禮孔子曰螭牛之孫瞽叟之子也曰重華。

娥皇上中 帝堯之女。

敷手上中 說文云舜女弟名敷首。

女罄上中 一作女英大戴禮帝舜娶于帝堯之子謂之女媿氏媿匿聲相近

媿人上中 左傳石癸曰媿吉人也后稷之元妃也

石戶之農上下 舜友見呂氏春秋

北人無擇上下 見呂氏春秋

雒陶上下 戰國策注作雄陶

續身上中 呂氏春秋孝行覽云堯舜得伯陽續耳然後成

柏陽上下 呂氏春秋及戰國策注作伯陽

柏益上中 案史記秦本紀云大業娶女華女華生大費大費佐禹平水土輔舜馴鳥獸舜妻以姚之玉

女是曰柏翳爲秦之先竹書紀年夏啟卽位二年費侯伯益出就國伯益爲人名則大費爲國名益翳

聲相近漢書伯仲之伯皆作柏書作伯益史記作柏翳律厯志作化益鄭氏詩譜作伯翳書言平水土

指暨奏鮮食之事史言馴鳥獸指掌火作虞之事其實卽一人也

女喬上中 大戴禮云禹娶于塗山氏塗山氏之子謂之女橋氏產啟

六卿上下 見甘誓

允中上 卽征義和之允侯鄭元曰臣名

逢門子下中 呂氏春秋作逢蒙高誘曰羿弟子也

韓浞下下 左傳作寒泥。段借字。

槐中中 南雍本、閩本注杼子。此脫。

芒上下 鄒誕生音荒。

泄上下 史記云。芒子。

不降上下 史記云。泄子。

廬中上 史記云。扁子。

皋下上 卽夏后皋。

關龍逢上上 桀之臣也。忠諫而死。潛夫論云。象龍逢以忠諫。桀殺之。

于辛下中 呂氏春秋。桀用羊辛。小顏注。人表序以爲桀之勇人。

仲虺上下 荀子堯問篇作中虺。史記作中鬪。

逢公柏陵中上 殷諸侯姜姓。

有藝氏上中 史記作有莘氏。南雍本、閩本有師古曰。藝與辛同。七字。今脫。

義伯上下 尙書作誼伯。陸德明云。本亦作義。

費昌中上 伯益之後。爲湯御者。

終古中上 見呂氏春秋。

中衍中上 潛夫論作仲衍云嬴姓鳥體人元爲夏帝大戊御

中丁中上大戊弟 史記作大戊子

祖乙中上 河壺甲弟 史記作河壺甲子

沃甲中上 史記作開甲

小辛上下 盤庚子 史記作盤庚弟

甘盤上中 史記燕世家作甘般

飛廉下下 紂時邪佞人孟康曰飛廉善走

惡來下下 潛夫論費仲生惡來武王伐紂并殺惡來

梅伯中上 殷諸侯也見呂覽

邢侯中上 邢當作邗 史記殷本紀九侯鄂侯徐廣曰鄂一作邗音于野王縣有邗城

鬼侯中上 殷諸侯也見呂氏春秋 史記作九侯徐廣曰一作鬼侯

太師摯等八人上下 古今人表及禮樂志竝以爲紂時人唯孔安國以爲魯哀公時人後儒因之

伯達伯适等八人中上 案國語詢于八虞賈侍中唐尙書竝云八虞周八士皆在虞官伯達伯适仲突

仲忽叔夜叔夏季隨季騏也予攷逸周書有南宮百達南宮忽疑卽八士中人矣

幸甲上下 紂臣七十五諫而去

祭公上中 梁玉繩曰表有畢公而無榮公此祭公當是榮公之譌。

向摯上下殷史 見呂氏春秋閩本作殷太史。

大姬上下武王妃 據張晏說大姬巫怪好祭鬼神陳人化之國多淫祀乃在第三是大姬為陳胡公妃。非武王妃矣。

曹叔振鐸上下 逸周書作叔振。

毛叔鄭上下 逸周書作毛伯鄭。

聃季載上下 史記管蔡世家作聃季。聃古聃字。

右史戎夫中上 竹書紀年以為穆王時人。

南宮髦上下 髦尚書作毛。

晉侯燮中中 左傳所謂燮父也。

衛康叔中下 封子 世家云康叔卒子康伯立此當作康伯。

魯孝公中中 律志作考公就史記就作魯。

魯煬公中中 孝公子律志作考公弟。

造父中下 潛夫論云造父以善御事周穆王穆王遊西海忘歸于是徐偃王作亂造父御一日千里以征之王封造父于趙城因以為氏。



徐隱王中下 隱偃聲相近。

伯彘中上 尙書作罔。

衛建中中 閩本建作逮。

楚熊錫中下 盤子 世家作熊楊。以爲熊勝之子。世表作熊煬。

宋愍公中下 共公子 世家作潛公。丁公子。

密母中上 密康公之母。列女傳云。姓隗氏。

魯魏公下下 世本及律志竝作微公。微魏古字通。

宋弗父何上上 南雍本。閩本是上下。

衛貞伯中下 索隱曰。世本作箕伯。

中山父上下 卽樊侯仲山甫。

申伯上下 周宣王元舅。

伯陽父中上 韋昭曰。周大夫。唐固曰。周柱下史老子也。

伯御下下 弒懿公而自立。

師服中上 晉大夫。

蔡夷侯中中 重出。前第七等已有蔡夷侯。

張中上中 是孝友之張仲也。

程伯休父上下 潛夫論云爲宣王大司馬。司馬遷曰當宣王時官失其守而爲司馬氏。司徒皮下下 皮番聲相近。

陳文公中下 案陳文公之上。閩本有宋正考父在第三等。此本及南雍本皆脫。

曹嚴公亦姑中下 史記世家作夕姑。年表作射姑。

衛太子伋上下 左傳作急子。

楚保申中上 閩本無申字。

駐甥中中 駐當作驩。南雍本。閩本皆不誤。

辛甲中中 閩本無此人。南雍本有之。

蘧章中下 潛夫論蘧章者。王子無鈞也。

右公子職下上 案右公子職當與左公子泄同等。今左居六等。右居七等。傳寫誤。

雍人稟下中 左傳作雍廩。

管仲上中 章昭注國語云管夷吾。齊卿。姬姓之後。管嚴仲之子敬仲也。

鮑叔牙上下 章昭注國語云齊大夫姬姓之後。鮑敬叔之子叔牙也。

甯戚上下 呂氏春秋云管子曰墾田大邑。辟土藝粟。盡地力之利。臣不若甯戚。請置以爲大田。高誘曰。

甯遯甯戚。

王子成父上下 呂氏春秋云管子曰平原廣城車不結軌士不旋踵鼓之三軍之士視死如歸臣不若

王子成父請置以爲大司馬。

宋愨公捷下中 南雍本閩本注嚴公子三字。

魯曹劌上下 史記管仲傳作曹沫。

鄭文公接中下 左傳接作捷。捷捷古字通。說文有此接字。

曹昭公班中下作詩 鄭氏詩譜云照公好奢而任小人曹之變風始作。

衛宏賁 懿公時人呂氏春秋作宏演。

虢叔下上 叔當作射。南雍本閩本不誤。

宋襄公下上成公子 前已有宋襄公矣。此當云成公襄公子轉寫誤耳。

齊昭公下中孝公子 當作孝公弟。

豎頭須中上 史記作里鳧須。

甯嬴上下 嬴下疑脫妻字。

宋防叔嘉子上下 防叔孔父嘉之子也。嘉子二字是注文。

西乞術中上 乞古乞字。既有西乞術當有白乙丙傳寫脫耳。

晉成公黑臀中下靈公弟。據世家是襄公弟。

宋伯夏叔子中上。伯夏防叔之子也。叔子亦是注。

孫叔敖上下。潛夫論云。蔦章之子也。

衛繆公下上。重出。

晉失穀下中。失當作先。

曹邠時上下。卽欣時。邠欣聲相近。新序作喜時。

宋平公下上成公子。成公當作共公。

羊魚中下。疑卽夷羊五。

樂正求中上。古裘字作求。

白戍中上。白當作向。南雍本。閩本不誤。

鄭游販中上。說文販。多白眼也。引春秋傳鄭游販。字子明。是販當從目。

范武子上中。潛夫論云。劉氏自唐以下。漢以上。德著於世。莫若范會之最盛也。斯亦有脩己以安人之

功矣。後漢書周舉傳。詔曰。性倅夷魚。忠踰隨管。蓋漢時以二人竝稱。故管仲。范武子俱列在二等也。前

第四等有士會。劉知幾以爲班氏原本在第五等者。疑別自一人。

華州中上。州與周古字通。地理志西河平周。路博德傳作平州人。

卞嚴子上下 東方朔傳作弁嚴子。弁卞同。杜欽傳小弁作小卞。

陳不占中上 與崔杼同時。見新序。

衛右宰穀臣中上 左傳無臣字。

厚孽中上 合成子爲一字誤。

狐丘子林中上 子產之師也。呂氏春秋作壺丘子林。狐壺古字通。

韓宣子厥中下 前第四等。已有韓獻子厥。疑此有誤字。

老子中上 閩本老子在第一。疑是唐人所改。

梁丘據下中 南雍本閩本第七等俱有齊景公杵臼及注嚴公弟共八字。在梁丘據之上。此脫。

商瞿上下 史記云字子木。

季次上下 史記公皙哀。字季次。家語作公皙克。

公良上下 史記作公良孺。字子正。

公肩子中上 史記有公堅定。字子中。

子石中上 卽公孫龍。

江上丈人中上 見呂氏春秋。

沈尹戌中下 潛夫論云。左司馬戌者。莊王之曾孫也。

蔡昭侯下中 南雍本、閩本第七等俱有秦惠公及注哀公孫共六字。在蔡昭侯之上。此脫。

屠羊說中中 見莊子。

顏燭籬中中 見呂氏春秋。

郵亡恤 王良並中中 郵亡恤王良，郵無正郵良，實一人也。此分爲二人，未詳。

柏樂中中 秦穆公時人。楚詞云：驥躡躑於敵輦，遇孫陽而得代。王逸曰：孫陽，伯樂姓名也。

范蠡上下 高誘曰：蠡字少伯，楚人也。

大夫種中上 高誘曰：姓文，名禽，楚鄞人。

葉公子高上下 潛夫論云：葉公諸梁者，戊之第三弟也。

屈固中下 史記伍子胥傳云：石乞從者，屈固負楚惠王亡走昭夫人之宮。

嚴善中中 楚白公同時人，新序作莊善。

達巷黨人上下 董仲舒傳云：此無異於達巷黨人不學而自知也。孟康曰：人，項囊也。

顏柳上下 史記顏幸字子柳。

公肩瑕中上 見禮記檀弓篇。

陳弃疾中下 鄭康成曰：棄疾，楚公子棄疾也。以魯昭八年，帥師滅陳，縣之。楚人善之，因號。

工尹商陽中下 鄭康成曰：工尹，楚官名。

青并子中上 趙襄子參乘有青并見呂氏春秋。

太史屠黍上下 晉出公時人見呂氏春秋。

韓文侯中下 南雍本閩本俱有列侯子三字。

趙敬侯中下 列侯子 列當作烈。

杜摯中中 見商君傳。

馮赫中中 國策作郝。

犀首中中 卽公孫衍也。司馬彪曰犀首魏官。

甘戊上下 國策作甘茂。

任鄙中上 秦力士。

令尹子椒 子蘭並中下 新序作令尹子蘭司馬子椒。

燕武成王下上 脫四十一世四字。





# 漢書辨疑卷十一

## 律麻志上

北平侯張蒼首律麻事。張蒼傳云：蒼尤好書，無所不觀，無所不通，而尤邃律麻。

徵天下通知鐘律者百餘餘人。上餘字當作有。本紀元始五年，徵天下通知鐘律教授者，在所爲駕一

封軺傳，遣詣京師。

徑象乾律黃鐘之一，而長象坤呂林鐘之長。律，率也。所以率氣令生也。呂，旅也。旅，宣陽氣也。六律爲陽。

六呂爲陰。凡十有二陽，足以包陰，故單言六律。陽足以統陰，故呂亦稱律。

職在太史義和掌之。元始元年，王莽置義和官，此用劉歆原文，故言掌于義和。

商之爲言章也。物成孰可章度也。漢紀云：商者量也。物盛而可量度也。商量音近，而義亦相成。然說文

商从章省聲。此志又云：聲章于商，則章義更爲精也。

羽字也。物聚臧字覆之也。月令正義引曰：羽，聚也。聚，藏字覆之也。案下云：聲字於羽，則聚字非是。

制十二筩以聽鳳之鳴。月令疏引此文，鳳下有皇字。

注律得風氣而成聲。閩本律作物。

始於子在十一月。乾初九也。辰在星紀。

呂旅也。呂旅義同。故說文云。呂。篆文作𠄎。

位於丑在十二月。坤六四也。辰在元枵。

族奏也。言陽氣大奏地而達物也。國語云。太簇所以金奏。贊陽出滯。亦此意。

位於寅在正月。乾九二也。辰在姬營。

夾鐘。月令疏引此文。夾鐘下有鐘種也。夾助也。六字。

位於卯在二月。坤六五也。辰在降婁。

姑洗洗絜也。月令疏引作洗之言絜也。荀紀云。姑。固也。

位於辰在三月。乾九三也。辰在大梁。

旅助姑洗。方言云。膂。力也。旅有助義。故言旅助。

位於巳在四月。坤上六也。辰在實沈。

寶導也。寶爲古文。寶見儀禮鄉飲酒禮注。故訓爲導。

位於午在五月。乾九四也。辰在鶉首。

位於未在六月。坤初六也。辰在鶉火。

位於申在七月。乾九五也。辰在鶉尾。

位於酉在八月。坤六二也。辰在壽星。

位於戌在九月 乾上九也辰在大火  
位於亥在十月 坤六三也辰在析木。

太族爲人統律長八寸象八卦 案韋昭注國語云律長七寸九分寸之一與此不同然志又云黃鐘林鐘大族皆律長全寸而無餘分則韋說非是。

申堅於申 釋名申身也物皆成其身體各申束之使備成也。

出甲於甲 釋名甲孚甲也萬物解孚甲而生也。

斂更於庚 斂月令疏引作改案釋名庚獨更也庚堅強貌也據此是堅強者可以收斂斂字是。

參分損一下生參分益一上生 鄭注周禮太師云黃鐘初九也下生林鐘之初六林鐘又上生太族之

九二太族又下生南呂之六二南呂又上生姑洗之九三姑洗又下生應鐘之六三應鐘又上生蕤賓之九四蕤賓又下生大呂之六四大呂又上生夷則之九五夷則又下生夾鐘之六五夾鐘又上生無射之上九無射又上生中呂之上六同位者象夫妻異位者象子母所謂律娶妻而呂生子也黃鐘長九寸其實一脣下生者三分去一上生者三分益一五下六上乃一終矣大呂長八寸二百四十三分寸之一百四太族長八寸夾鐘長七寸二千一百八十七分寸之千七十五姑洗長七寸九分寸之一中呂長六寸萬九千六百八十三分寸之萬二千九百七十四蕤賓長六寸八十一分寸之二十六林鐘長六寸夷則長五寸七百二十七分寸之四百五十一南呂長五寸三分寸之一無射長四寸六千

五百六十一分寸之六千五百二十四。應鐘長四寸二十七分寸之二十。

職在大樂太常掌之。太常屬官有大樂令丞。

職在內官廷尉掌之。內官長丞初屬少府中屬主爵。後屬宗正。蓋莽秉政時。又改屬廷尉矣。

合侖爲合。說文升十侖也。此云合侖卽一侖也。下云侖者。合侖之量也。故曰合侖爲合。廣雅云。侖二爲

合。二當爲一字之誤耳。

職在太倉大司農掌之。大司農有太倉令丞。

斤者明也。周頌執競云。斤斤其明。爾雅釋訓云。明明斤斤。察也。

矩者所以矩方器械。閩本無所以二字。

北伏也。五帝本紀集解引尸子曰。北方者。伏方也。

西遷也。陰氣遷落物。白虎通德論云。西方者。遷方也。萬物遷落也。

秋斲也。物斲斂乃成孰。鄉飲酒義云。西方者。秋。秋之爲言愁也。鄭注愁讀爲擘。擘斂也。

東動也。說文亦云。東動也。

宦者溘于陵渠。溘于姓。陵渠名也。戰國時有溘于髡。公卿表有定陵侯溘于長。後漢有溘于瓊。

究其微眇。師古曰。眇讀曰妙。案元帝贊。窮極幼眇。藝文志。樂尤微眇。師古皆讀曰妙。易說卦。妙萬物而

爲言者也。王肅本妙作眇。音妙。是眇本古妙字。

天數二十有五地數三十 二十有五者總一三五七九爲二十有五三十者總二四六八十爲三十也  
律麻志下

統月萬九千 監本、閩本統月下有一字。

統中萬八千四百 監本、閩本統中下有一字。

見中法千五百 監本、閩本見中法下有一字。

積月十三月餘萬五千 監本、閩本月餘下有一字。

積中十中餘千七百 閩本中餘下有一字。

夕中分萬八千 閩本分下有一字。

夕閏分萬五百 閩本分下有一字。

則太陽大周爲萬三千八百 閩本爲下有一字。

伏日行不盈十五分度三百 閩本無百字。

歲術推歲所在置上元以來外所求年 歲術二字當另爲一行推歲所在當與下相屬。

星紀初斗十二度大雪中牽牛初冬至終於婺女七度

大雪十一月節也時日在斗十二度冬至十一月中也時日在牽牛初度下放此。

小寒 十二月節。

大寒 十二月中。十二月極寒之時。相對爲大小月。初寒爲小月。半寒爲大。

立春 正月節。

驚蟄。今日雨水。雨水。今日驚蟄。驚蟄者。蟄蟲驚而走出也。雨水者。言雪散爲雨水也。今日者。依四分術。改之。淮南子先雨水。後驚蟄。鄭注月令云。夏小正。正月啓蟄。漢始亦以驚蟄爲正月中。雨水爲二月節。正義云。漢之時。立春爲正月節。驚蟄爲正月中。氣。雨水爲二月節。春分爲二月中。氣。至前漢之末。以雨水爲正月中。驚蟄爲二月節。案四分術。以雨水爲正月中。驚蟄爲二月節。蔡邕月令章句。孟春以立春爲節。驚蟄爲中。從古法也。

穀雨。今日清明。清明。今日穀雨。穀雨。三月節。言雨以生百穀也。清明。三月中。言物生清淨明潔。

立夏 四月節。

小滿 四月中。言物長于此。小得盈滿也。

芒種 五月節。言有芒之穀。可稼種也。

夏至 五月中。

小暑 六月節。

大暑 六月中。就極熱之中。分爲大小月。初爲小月。半爲大也。

立秋 七月節。

處暑 七月中言暑氣將退伏而漸處也。

白露 八月節陰氣漸重露濃色白也。

秋分 八月中。

寒露 九月節言露氣寒將欲凝結也。

霜降 九月中。

立冬 十月節。

小雪 十月中以霜雨凝結而雪十月猶小十一月轉大也。

我高祖少昊摯之立也 摯監本閩本皆作摯。

元陽之孫也生水故 生上脫水字水下衍故字監本閩本皆不誤。

金天氏高陽氏高辛氏皆云周鑿其樂故易不載

鄭注周易云金天高陽高辛遵黃帝之道無所改作故不述。見周禮疏二十一

夏后氏四百三十二歲 漢紀作四百四十二年。

以冬至越蒞祀先王于方明 蒞與緜同禮記曰唯祭宗廟爲越緜而行事緜是引車索言不以私喪廢

公祀。

終六府首 府蒞聲相近。

故傳曰歲在鶉火。傳卽春秋外傳周語。

丙午還師。詩大明疏引作逮師。

王乃洮洙水。洙，顧命作類。馬融云：類，類面也。說文洙，洒面也。从水未聲。類，古文。說文無類字。類與古文

洙相似。當卽類字之譌。

子考公就立曾。案此與下文微公弗立潰。厲公翟立擢。慎公執立囂。懿公被立戲。悼公曼立寧。穆公衍立顯。文義相同。猶言就或爲箇耳。後放此。

釐公五年正月辛亥朔旦冬至。殷麻以爲壬子。三史拾遺曰：案隋志載春秋命麻序。魯僖公五年天正壬子朔旦日。至成公十二年天正辛卯朔旦日。至昭公二十年天正庚寅朔旦日。至竝與殷麻合。蓋乾鑿度考靈曜命麻序。諸緯皆殷麻也。命麻序言孔子脩春秋用殷麻。使其數可傳于後。

壘人舉由而與之。由，左氏傳作塊。說文：由，正字。塊，或體字。

歲在大棗之東井二十二度。鶉首之六度也。三史拾遺曰：六度當作七度。置積年滿歲星歲數去之。其

餘歲一千三百廿九。以百四十五乘之。盈百四十四而一。得積次一千三百三十八。次餘三十三。以十

二去積次。餘數六。起星紀算外。則歲在鶉首也。又以三十乘次餘。盈百四十四而一。得積度六。起井十

六度算外。得歲在東井二十二度。太強。實鶉首之七度也。

高帝著紀卽位八年。帝字誤。監本。閩本皆作后。



禮樂志

妒忌之別 別、漢紀作心。

背死忘先者衆 經解先作生。

安上治民莫善於禮 說文、善、吉也。从誩从羊、善、篆文。

盛揖攘之容 說文、攘、推也。讓、相責讓也。攘、援臂也。曲禮云、左右攘辟。鄭注、攘、古讓字。然則揖讓字古作

攘。譙讓字古作讓。攘臂攘羊字古作攘歟。

言能勾先祖之道 勾、漢紀作酌。

鐘鼓鏜鏜磬管鏘鏘 今詩鏜作摐、鏘作將、將、古字也。鏘字說文所無。

大祝迎神於廟門奏嘉至 案嘉至、永至、登歌、休成、永安、皆叔孫通所制樂章篇名。

奏永至 永、荀悅漢紀作禮。

采詩夜誦有趙代秦楚之謳師古曰夜誦者其言詞或祕不可宣露故於夜中歌誦 案小顏說非也。夜

誦、官名、員五人、古宮掖之掖、亦作夜、因誦於宮掖之中、故謂之夜誦、下文云、內有掖庭才人、外有上林

樂府、皆以鄭聲施于朝廷是也。後漢馬廖傳、願置章坐側、以當瞽人夜誦之音、章懷注亦誤。

七始華始 七始律麻志引書曰、予欲聞六律五聲八音七始詠、以出內五言女聽是也。

桂華馮馮翼翼 此上二字、疑是練時日、帝臨青陽之類、所以記章數也、但存桂華美若二章之名、其餘

俱脫去耳。

美芳磴磴卽卽 依前說則美芳當作美若。予又疑美芳上脫二字卽是桂華有此一句則磴磴卽卽正與上德福爲韻。師象山則句是衍文因下章有此句而誤衍於此二說不同姑兩存之以就正知者。郊祀歌十九章 是司馬相如等所作略定律呂以合八音之調。

曳阿錫 說文緡細布也其字从糸古亦通用錫燕禮云霏用綌若錫鄭注今文錫爲緡又喪服傳云錫者何也麻之有緡者也。

神奄雷臨須搖 須搖卽須臾遙臾聲相近。

卉汨臚析奚道 道監本闕本皆作遺。

掩回轅驕長馳 說文驕髮長貌讀若曼。

赤雁集六紛員 紛員卽紛紜員云古字通。

謁者常山王禹世受可開樂 可當作河藝文志河閒獻王與毛生等共采諸子言樂事者以作樂記其內史丞王定傳之以授常山王禹是其事也。

河閒區區不圖藩臣 不疑下字之譌。

嘉至鼓員十人 嘉至樂章名迎神廟門所奏。

諸族樂人兼雲招給祠南郊師古曰招讀與翹同 魏氏繆襲議云漢有雲翹育命之舞不知所出舊以

祀天。

給盛德 盛德卽孝武廟所奏盛德文始四時五行之舞。

豪富吏民淇沔自若 淇沔與沈湎同。

刑法志

夫人宵天地之額 說文兒頌儀也兒或作額从頁豹省聲。

從之成羣是爲君矣 荀子王制篇云君者善羣也春秋繁露滅國篇云君者不失其羣者也又曰君者

羣也白虎通義云君羣也羣下之所歸心也。

歸而往之是爲王矣 韓詩外傳云王者往也天下往之謂之王春秋繁露滅國篇云王者民之所往能

使萬民往之無敵于天下說文解字王天下所歸往也。

成十爲終終十爲同 終荀紀作衆古字通。

是謂千乘之國 漢舊儀九夫爲井四井爲邑四邑爲丘四丘爲乘乘則具車一乘四馬步卒三十六人

千乘之國馬四千匹步卒三萬六千人爲三軍大國也次國二軍小國一軍。

皆身誅戮於前而功滅亡於後 功監本閩本作國。

懼之以行 懼左氏傳作聳說文懼懼也从心雙省聲春秋傳曰駟氏懼懼卽懼也小顏訓懼爲獎非是

詩曰儀式刑文王之德 左氏傳同今詩作典。

百姓新免毒蠶 說文蠶螫也从虫今从虺同

完爲城旦春滿三歲爲鬼薪白粲 漢舊儀云凡有罪男髡鉗爲城旦城旦者治城也女爲舂舂者治米也皆作五歲完四歲鬼薪三歲鬼薪者男當爲祠祀鬼神伐山之薪蒸也女爲白粲者以爲祠祀擇米也皆作三歲罪爲司寇司寇男備守女爲作如司寇皆作二歲男爲戍罰作女爲復作皆一歲三月將以禁暴惡且懲其未也荀子作徵其未楊倞曰徵讀爲懲未謂將來案徵古懲字魯頌荆舒是懲史記建元以來侯者表引作荆荼是徵

不祥莫不矣焉 矣字衍荀子及漢紀皆無

故治則刑重亂則刑輕李奇曰世所以治者乃刑重也所以亂者乃刑輕也 案李說非也楊倞以爲治

世刑必行則不敢犯故重亂世刑不行則人易犯故輕其說得之

以死罔民失本惠矣 惠漢紀作意

食貨志上

耒耜之利以教天下 南雍本閩本作耒耨

田中不得有樹用妨五穀 齊民要術注云五穀之田不宜樹果諺曰桃李不言下自成蹊匪直妨耕種

損禾苗抑亦惰夫之所休息豎子之所嬉游

殖於疆易 詩作場非古字

還廬樹桑。公劉詩毛傳云。廬寄也。說文。廬寄也。秋冬去。春夏居。釋名。寄止曰廬。廬也。取自覆廬也。廬在田中。故詩曰。中田有廬。農功已畢。乃居於里。

四之日舉趾。詩七月篇作舉趾。案士昏禮云。皆有枕北止。鄭注。止。足也。古文止作趾。說文。止。下基也。象艸木出有址。故以止爲足。

嗟我婦子。聿爲改歲。詩七月篇。聿。作曰。案曰。與聿古通。敍傳。幽通賦。吹中蘇爲庶幾兮。師古曰。吹。古聿字。古之治天下。至熾至悉也。說文。熾。銳細也。

始造苑馬以廣用。邊郡有六牧。師苑養馬三十萬匹。

又加月爲更卒。已復爲正。一歲屯戍。一歲力役。三十倍於古。隸釋。衛宏。漢官舊儀。民年二十三爲正。一

歲爲衛士。一歲爲材官。習射御騎馳戰陳。又曰。民給正衛材官。年五十六老衰。乃能免爲民。

故平都令光教過。以人輓犂。崔寔政論云。武帝以趙過爲搜粟都尉。教民耕殖。其法三犂。共一牛一人。

將之下種。挽耒皆取備焉。日種一頃。至今三輔。猶賴其利。齊民要術引

食貨志下

市井子孫亦不得宦爲吏。閩本宦作官。南雍本作爲官吏。

法使天下公得顧租鑄銅錫爲錢。錫字疑衍。

蕭然煩費矣。蕭然卽騷然。蕭騷聲相近。

兵連而不解天下共其勞 共讀與供同謂供給其勞役也小顏訓共爲同非是

蠻夷因呂數攻吏吏發兵誅之 南雍本閩本俱不重吏字

自孫弘呂春秋之義繩臣下 南雍本閩本自下俱有公字

令不得摩取鉛 鉛當作鉛鉛銅屑也

天下旣下緡錢令 天字下之下字疑是子字

益廣開 開平準書作關徐廣曰元鼎三年徙函谷關於新安東界

令封君以下至三百石吏以上差出牡馬 牡當作牝昭帝始元五年罷天下亭母馬是也

分部主郡國各往往置均輸鹽鐵官 河東有均輸長郡國有鹽官者三十六有鐵官者五十皆桑弘羊

請置

如異時商賈所轉貶者 貶閩本作販

公龜九寸直五百 禮器疏引此文九寸下有以上二字

鐵曰農之本 曰疑當作田

鐵布銅冶 閩本鐵作錢

野有餓莩而不發 今孟子莩作殍張有復古編云受物落上下相付也一曰餓死曰受从爪又別作殍

莩莩竝非

